



VICTORY HMONG ALLIANCE CHURCH

“Be imitators of Christ living together in victory” – 1 Cor. 11:1; 15:57-58.

TSAB NTAWV TSHAJXO (NEWSLETTER)

December 2020 issue

LUS LOS NTAWM

Xh. Tswv Tub



Nyob zoo cov ntseeg sawvdaws! Tib pliaj xwb lub xyoo 2020 no twb yuav dhau mus ua keebkwm lawm xwb. Zoo li twb ua tsis tau ib yam dabtsi tseemceeb, tiamsis xyoo no twb yuav xaus. Txawm li ntawd los ua Vajtswv tsaug uas Nws txojkev hlub thiab kev tivthaiv tau coj peb nyob dhau ib lub xyoo los lawm tiag. Kuv ua tsaug rau nej txhua tus uas tau thov Vajtswv rau Vajtswv tes haujlwm thiab rau txhua tus thawjcoj kev ua haujlwm pab rau cov ntseeg. Xyoo no txawm kev ua Vajtswv haujlwm thiab kev pehawm Vajtswv tsis mus li tau kom tseg los tej yam loj yeej tau tiav mus rau qhov zoo. Vajtswv tau pub rau peb ua tau tej yam tiav. Tshwjkeeb yog muaj cov sawv los ua cov pab rau sab kawsuab thiab yeesduab lossis phab media. Lawv yog Paj Hnub, Txuj Tseeb, thiab N. Txuj Tseeb Hawj. Lawv txaus siab hlo sawv los ua cov pab rau sab no es peb thiaj tseem tso tau kev pehawm thiab kev qhuabqhia rau peb pawgntseeg tau koom txhua lub limtiam. Txawm peb tsis muaj feem tuaj uake pehawm Vajtswv rau ntawm tuamtsev lawm los, pab Media Team no tau los chiv tes haujlwm pab rau kev yeesduab txhua lub limtiam kom peb tseem muaj kev pehawm rau sawvdaws koom uake txhua lub limtiam nyob rau Livestream. Tsis tas li ntawd, los ntawm nej cov ntseeg txhua tus txojkev hlub, nej tej nyiajtxiag tau pab kho lub tsev xibhwb thiab yuav tau tej khoomsiv loj los tso rau hauv lub tsev rau xibhwb tsevneeg tau siv. Xyoo no, Kl. Nchaiv Daus thiab cov Txivtsev kuj kho tau lub samthiaj (the deck), yuav tau lub cav ntxhua thiab ziab ristsho tshiab, thiab lub qhovcub tshiab rau hauv lub tsev xibhwb. Ua tsaug rau cov txivtsev thiab rau nej sawvdaws. Cia Vajtswv txhawb nej txhua tus lub zog thiab coj nej sawvdaws kom tau Vajtswv tej koobhmoov npluamias. Kuv ntseeg hais tias Vajtswv twb npaj yam zoo rau peb rau xyoo tomntej. Vajtswv twb npaj qhov tshiab thiab lub homphiaj tshiab rau peb lawm. Lub xyoo tomntej no, peb yeej yuav tau rov tuaj nyob uake pehawm Vajtswv thiab koom uake dua. Yog li cia peb sawvdaws nyob ruajnrees rau ntawm Vajtswv. Cia peb vamkhom thiab cog siab rau ntawm Vajtswv. Cia peb muaj kev ciasiab rau Vajtswv. Yog li, kuv thov Vajtswv foom koobhmoov rau nej txhua tus rau lub Koobtsheej Yexus los yug hauv ntiajteb no. Cia Vajtswv muab yam tshiab rau nej rau lub xyoo tshiab tomntej no. Merry Christmas rau nej txhua tus!



Samthiaj tshiab
(new deck)



Cav ntxhua thiab ziab ristsho
tshiab (New washer & Dryer)



Qhovcub Tshiab
(New Stove)

602 Acewood Blvd, Madison, WI 53714
Senior Pastor: Pastor Chue Tou Vue


Phone: (608) 224-1646 www.victoryhmong.org
Associate Pastor: Pastor Isaiah Thor



Vajtswv Txojlus Txhawbzog: “Koj Yuav Muab Dabtsi Rau Yexus?”

Xh. Tswv Tub

Christmas lossis Koobtsheej Yexus Yug rau coob tus yog qhov ib tug yuav muab khoomplig pub rau ib tug. Lub 12 hlis ntuj peb siv los ua Christmas, yog lub caijnyoog peb muab khoomplig rau lwm tus thiab txais khoomplig los ntawm lwm tus. Peb ibtxhia nyiam muab khoomplig pub rau lwm tus, tiamsis peb ibtxhia nyiam tau khoomplig los ntawm lwm tus. Peb feem coob yeej yog cov nyiam txais khoomplig ntau dua li peb muab. Vim li no peb yeej muaj lub siab tosntsoov saib peb yuav tau dabtsi rau Christmas. Tshwjxeeb yog peb tej menyuam. Thaum lawv pom ib pob khoomplig nyob rau hauv qab tsoobntoo, lawv yeej tos tsis taus txog hnuv qhib khoomplig saib lawv tau dabtsi. Lawv puas tau yam lawv ntshaw tshajplaws.



Pob khoomplig uas zoo tshajplaws rau peb noobneej twb los yug rau lub ntiajteb no lawm. Qhov khoomplig ntawd yog Vajtswv muab rau peb. Qhov vimchij uas Vajtswv muab rau peb yog Nws pom hais tias vim peb noobneej nyob rau txojkev txhaum uas yuav ua rau peb tuag ntawm sab ntsujplig mus ibtxhis uas yog qhov yuav raug cais ntawm Vajtswv mus ibtxhis. Yog li Nws tsis xav kom peb raug qhov no; Nws thiaj tso Yexus los yug rau lub ntiajteb no ua qhov khoomplig cawm peb noobneej. Yexus yog tus yuav coj peb rov los txuas rau ntawm Vajtswv. Coj peb rov los muaj kev sib raugzoo nrog Vajtswv. Coj peb rov los tau txojhia mus ibtxhis rau ntawm Vajtswv. Yexus yog qhov khoomplig uas zoo tshajplaws rau peb. Yexus yog peb pob khoomplig.

Christmas yog lub sijhawm peb txais Vajtswv qhov khoomplig, tiamsis puas yog lub sijhawm peb muab rau Vajtswv. Yexus los ua peb qhov khoomplig, peb puas yuav dabtsi rov rau nws?

Mathais 2:11 hais tias, “Thaum lawv mus rau hauv tsev, lawv pom tus metub nrog nws nyiam uas yog Malis, thiab lawv txhoscaug ntau pehawm tus metub. Ces lawv txawm thau lawv tej khoom muajngis thiab muab lawv cov kub, cov tshuaj tsw qab feekeexees thiab roj tswj qab mules ua khoomplig pub rau tus metub ntawd.”

Thaum cov tub txawj saib hnuvqub no pom tus metub Yexus, lawv zoo siab heev. Lawv tau muab yam lawv twb npaj lawv ua khoomplig pub rau Yexus. Cov lawv muab ntawd yog cov raug nqi ntau thiab zoo heev. Lawv txaus siab hlo muab rau Yexus.

Cov phoojywg! Vajtswv pob khoomplig zoo tshajplaws nws muab rau koj thiab rau kuv, peb noobneej yog Yexus. Yexus yog qhov tseemcee tshajplaws uas peb tau txais. Thaum cov tub txawj saib hnuvqub pom Yexus, lawv muab yam zoo tshajplaws uas lawv muaj rau nws. Hnuv no koj muab dabtsi ntawm koj tus kheej rau Yexus? Koj yog tus nyiam txais xwb los, koj yog tus nyiam muab thiab? Vajtswv muab Yexus rau koj. Koj puas yuav muab koj tus kheej rau Vajtswv? Nyob rau ntawm koj thiaj kuv, qhov zoo tshajplaws thiab qhov Vajtswv xav tau ces yog koj tus kheej ntag. Qhov Vajtswv tso Yexus los twb yog los cawm koj thiab kuv peb noobneej ntiajteb. Peb yog tus Vajtswv xav yuav. Cia lub Christmas no, koj yog pob khoomplig zoo tshajplaws nyob hauv tsoob qabntoos rau Vajtswv. Cia koj muab koj tus kheej fij rau Vajtswv hnuv no.

Jesus is God’s most precious gift for you. May you be the most precious gift for God today! Cia koj yog pob khoomplig zoo tshajplaws rau Vajtswv!

602 Acewood Blvd, Madison, WI 53714 * (608) 224-1646 * www.victoryhmong.org

Senior Pastor: Xh. Chue Tou Vue

Associate Pastor: Xh. Isaiah Thor





**GREETINGS FROM
Xh. Isaiah Thoj**

Dear Victory Hmong Alliance Church,

The year of 2020 has been one filled with many challenges for both the young and the old, those with and without a job, within all departments of ministry, and with parents and students adapting to online schooling. As the end of the year approaches, my prayer is that God’s grace may continue to be sufficient for you. May we be reminded of the blessings that we have and how far our God has brought us in this journey of life.

Speaking of blessings; it is that time of the year to be holly and jolly! Not because it’s Christmas, but because of Christ our Savior who was born. Can there be a blessing bigger and better than Christ? I know not. Praise be to God for His love and mercy through Jesus that was born during this season. Because of Jesus, you and I can enjoy the freedom that we have over death and sin! Hallelujah!

My wife and I are so thankful for each one of you. We want to wish you and your family a Merry Christmas and a Happy New Year. Praying that next year we might all be able to celebrate together. We also wanted to update you all that we’ve moved to Deerfield, WI. Our new address is 1124 Black Oak Trail, Deerfield, WI. Happy holidays to you all and may God continue to bless and protect everyone during this cold/flu/Covid season.



LUS TSHAJTAWM:

1. Pawgntseeg kev qhib kev pehawm Vajtswv rau lub 1 hlis, tim 3, xyoo 2021 tomntej no tau muab ncu lawm (postponed until further notice). Vim qhov kabmob COVID-19 yeej tsis tau yajxam li. Tseem muaj tibneeg coob tus raug qhov mob no ntxiv xwb. Yog li lub Rooj Tsavxwm tau pomzoo muab ncu lawm. Yog li nej txhob npaj tuaj rau tom tuamtsev lub 1 hlis, tim 3. Peb yeej tseem yuav muaj livestream rau nej koom txhua lub limtiam li yavtas los rau thaum 1pm txhua hnuv Hnubkaj. Thaum nomtswv tso cai thiab qhib rau kev pehawm Vajtswv tom tuamtsev lawm, lub Rooj Tsavxwm mam qhia rau sawvdaws paub.
2. Lub Rooj Tsavxwm tau sibtham rau lub 12 hlis, tim 14 dhau lo no, thiab tau pom zoo yuav nrhiav dua ib lub tsev xibhwb rau tus xibhwb pab lossis Xh. Isaiah nyob. Lub Rooj Tsavxwm tseem yuav pib ua qhov haujlwm no xwb, yog muaj li cas meej ntxiv yav tomntej no lub Rooj Tsavxwm mam hais rau sawvdaws paub.
3. Thov nej cov uas twb tau daim ntawv coglus pab nyiaj rau kev Xa Moo Zoo lossis Great Commission lawm rov xa nej daim ntawv coglus rov tuaj rau N. Kl. Xeev Pov Hawj.

602 Acewood Blvd, Madison, WI 53714	Phone: (608) 224-1646	www.victoryhmong.org
Senior Pastor: Pastor Chue Tou Vue	Associate Pastor: Pastor Isaiah Thor	



4. Thov qhia rau nej sawvdaws paus hais tias lub Rooj Tsavxwm tau los sib tham txog peev nyiaj komtseg (budget) rau kev ua Vajtswv haujlwm rau xyoo 2021 rau lub 12 hlis, tim 14 dhau los no. Tus budget tau kom tseg tagrho yog \$157,250. Yog muab piv rau xyoo 2020 tus budget uas yog \$176,900, ces kuj txo lawm li \$19,650. Vim peb tsis muaj kev pehawm Vajtswv, peb yuav tsis muaj pawgntseeg lub rooj sablaj txwm xyoo rau lub 1 hlis tomntej no. Yog li no, lub Rooj Tsavxwm tau pomzoo hais tias cia lub Rooj Tsavxwm kom piav nyiaj tseg es tshajxo rau nej cov tswvcuab txhua tus paub xwb. Yog nej leejtwg muaj lub nug lossis xav paub meej tshaj qhov no, hu tuaj rau lub Rooj Tsavxwm thiab kuv.

5. HLUB is also coming up July 15-19, 2021 (Thursday-Monday) at Indiana State University for Youths and Single Adults for ages 12-22 years old. For more info, contact Xh. Isaiah.

6. YOUTH UPDATE: We are still meeting every Friday Night as usual for Friday Night Gatherings at 6:30PM. We will not be meeting 12/18 and 12/25. I will be on vacation during those dates. If you have not registered your children up for HLUB yet, there is more information down below. Thank you for your partnership within the ministry of the Youth.

PAB THOV VAJTSWV RAU:



1. Thov Vajtswv pab rau kev nrhiv lub tsev xibhwb tshiab (lub ob – second parsonage).
2. Thov Vajtswv rau qhov kabmob COVID-19 no kom dhau mus thiab cov tshuaj uas nomtswv faib tuaj lawm kom yuav pab tau cov raug tus kabmob no.
3. Thov Vajtswv pab rau peb peevnyiaj ua Vajtswv haujlwm hauv pawgntseeg.
4. Thov Vajtswv pab rau pawgntseeg tej homphiaj rau xyoo 2021 tomntej no.
5. Thov Vajtswv pab rau cov tswvcuab txhua tus kom ntsib kev noj qab nyob zoo.



C
H
R
I
S
T
M
A
S



602 Acewood Blvd, Madison, WI 53714 Phone: (608) 224-1646 www.victoryhmong.org
Senior Pastor: Pastor Chue Tou Vue **Associate Pastor:** Pastor Isaiah Thor

